

“ТАСДИҚЛАЙМАН”



**Жиззах вилояти статистика бошқармасининг юридик хизмати тўғрисидаги
НИЗОМ**

1-боб. Умумий қоидалар

1. Ушбу Низом Жиззах вилоят статистика бошқармасининг бош юрисконсулт штати шаклидаги юридик хизматига (кейинги ўринларда – бош юрисконсулт деб аталади) қўйиладиган талабларни, унинг ҳуқуқлари, мажбуриятлари ва жавобгарлигини белгилайди.

2. Бош юрисконсулт – Бошқарма фаолиятини ҳуқуқий таъминлаш мақсадида қонунчиликда белгиланган меъёр ва мезонларга мувофиқ мажбурий тартибда ташкил этилган мустақил (таркибий тузулма) лавозим ҳисобланади.

Бош юрисконсулт бевосита бошқарма бошлиғига бўйсунди.

3. Бош юрисконсулт битта штат бирлигидан иборат бўлиб, бош юрисконсулт лавозими киритилган.

4. Бош юрисконсулт ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, ушбу Низомга ва бошқа қонун ҳужжатларига амал қилади.

Шунингдек Давлат статистика қўмитасининг, бошқарманинг қарорларига, буйруқларига, бошқа ҳужжатларига ва топшириқларига амал қилади.

5. Бош юрисконсулт лавозимида олий юридик маълумотга эга бўлган ёки Тошкент давлат юридик университети ҳузуридаги Юридик кадрларни халқаро стандартлар бўйича профессионал ўқитиш марказида юридик мутахассислик бўйича қайта тайёрлаш курсларини тамомлаган ва белгиланган намунадаги дипломни олган шахс ишлаши мумкин. Юридик бўлими ходими сифатида лавозимга биринчи марта тайинланган шахслар белгиланган тартибда Адлия вазирлигида стажировкадан ўтадилар.

6. Бош юрисконсулт лавозимга Адлия бошқармаси билан келишилган ҳолда тайинланади ва озод қилинади.

7. Бош юрисконсултга мартаба даражалари қонунчиликда белгиланган тартибда берилади ҳамда кўп йиллик хизмат учун қўшимча тўлов ва устамалар қонунчиликда белгиланган тартибда тўланади.

8. Давлат органи ва ташкилоти юридик хизматининг ходими сифатидаги меҳнат стажини бошқа давлат органлари, шу жумладан ҳуқуқни муҳофаза қилувчи ва назорат қилувчи органларига ўтганда мартаба даражалари ва кўп йиллик хизмат учун қўшимча тўлов ва устамаларни тўлаш учун мўлжалланган меҳнат стажини ҳисобига олинади.

9. Юридик хизмат ходими қонунчиликда белгиланган тартибда ҳар уч йилда камида бир марта малакасини оширади ҳамда ҳар уч йилда бир марта аттестациядан ўтади.

10. Бошқарманинг Кенгаш йиғилишида ҳар йили бошқарма ва туман (шаҳар) статистика бўлимлари фаолиятида қонун устуворлиги ва қонунийликка риоя этилиши аҳволи тўғрисидаги Бош юрисконсулт ҳисоботи эшитилади.

2-боб. Бош юрисконсулт фаолиятининг асосий йўналишлари ва функциялари

10. Қуйидагилар Бош юрисконсулт фаолиятининг асосий йўналишлари ҳисобланади:

Жиззах вилоят статистика бошқармасининг ҳуқуқни қўллаш фаолиятида қонун устуворлиги ва қонунийликни таъминлашни ташкил этиш;

Жиззах вилоят статистика бошқармаси томонидан ишлаб чиқиладиган (қабул қилинаётган) норматив-ҳуқуқий ва бошқа ҳужжатлар лойиҳаларининг қонунчиликка мувофиқлиги устидан назоратни олиб бориш;

Жиззах вилоят статистика бошқармасининг қонун ижодкорлиги фаолиятида иштирок этиш, қонунчиликни такомиллаштириш юзасидан таклифларни тайёрлаш масалаларида қўмитанинг тузилмалари ишини мувофиқлаштириш;

Жиззах вилоят статистика бошқармаси ходимларининг ҳуқуқий маданияти ва ҳуқуқий саводхонлигини ошириш, уларга қабул қилинаётган норматив-ҳуқуқий ҳужжатларнинг мазмун ва аҳамиятини, шу жумладан замонавий ахборот-коммуникация технологиялари орқали етказишда иштирок этиш;

шартномавий-ҳуқуқий ва талабнома-даъво ишларини юритиш, Жиззах вилоят статистика бошқармасининг мулкӣ ва бошқа манфаатларини ишончли ҳимоя қилинишини таъминлаш.

11. Бош юрисконсулт фаолиятининг асосий йўналишларини бажариш учун қуйидаги функцияларни амалга оширади:

1) Жиззах вилоят статистика бошқармасининг ҳуқуқни қўллаш фаолиятида қонун устуворлиги ва қонунийликни таъминлашни ташкил этиш соҳасида:

а) Жиззах вилоят статистика бошқармасида, шунингдек тегишли тузилмаларда қонун бузилишларини, уларнинг сабаблари ва шарт-шароитларини бартараф этиш юзасидан таклифлар киритади, ушбу чора-тадбирларни амалга оширишда иштирок этади;

б) Жиззах вилоят статистика бошқармаси раҳбариятига тақдим қилинадиган буйруқлар, фармойишлар, шартномалар ва юридик тусдаги бошқа ҳужжатлар лойиҳаларини уларнинг қонунчиликка мувофиқлиги юзасидан экспертизадан ўтказишда ҳамда улар бўйича эътироз ва таклифлар бўлмаса, виза қўяди. Бунда лойиҳаларга бош юрисконсулт томонидан Жиззах вилоят статистика бошқармасининг бошқа таркибий тузилмаларидан (ҳодимларидан) кейин виза қўйилади;

в) жисмоний ва юридик шахсларнинг ҳуқуқ ва эркинликларини амалга оширишга таъсир этадиган Жиззах вилоят статистика бошқармасининг қарорлари юзасидан ҳулосалар беради;

г) мустақил равишда ёки бошқа тузилмалар билан биргаликда Жиззах вилоят статистика бошқармасининг буйруқлари, фармойишлари, шартномалари ва юридик тусдаги бошқа ҳужжатларини ишлаб чиқиш, уларга ўзгартиш ва қўшимчалар киритиш, шунингдек уларни ўз кучини йўқотган деб ҳисоблаш тўғрисида таклифлар тайёрлайди;

д) Жиззах вилоят статистика бошқармасида, шунингдек тегишли тузилмаларда ҳуқуқни қўллаш амалиётини ўрганади, таҳлил қилади ва умумлаштиради, уни такомиллаштириш бўйича таклифлар тайёрлайди ва раҳбариятга киритади;

е) Жиззах вилоят статистика бошқармасининг бошқа тузилмалари билан биргаликда бошқарма, тегишли тузилмалар ва уларнинг мансабдор шахслари фаолиятида қонунийликнинг бузилиши кўрсатилган аризалар, таклифлар ва шикоятларни кўриб чиқишда иштирок этади;

ж) Жиззах вилоят статистика бошқармасида бошқарув тизимини такомиллаштириш, қўмита тизимига кирадиган тузилмалар ва уларнинг мансабдор шахсларининг ҳуқуқ ва мажбуриятларини белгилаш бўйича таклифлар ишлаб чиқишда иштирок этади;

з) Жиззах вилоят статистика бошқармасида меҳнат ҳақидаги қонунчиликка риоя этилишини таъминлашда, шу жумладан меҳнат муносабатларини тартибга солишчи ҳуқуқий ҳужжатларни (меҳнат шартномаси, жамоа шартномаси, жамоа битими ва бошқаларни) ишлаб чиқишда иштирок этади, ушбу ҳужжатлар лойиҳаларининг қонунчиликка мувофиқлигини текширади ва ҳуқуқий ҳулоса беради;

и) Жиззах вилоят статистика бошқармаси раҳбариятига бошқарма фаолиятида қонун устуворлиги ва қонунийликни таъминлаш аҳволи юзасидан ҳисобот тақдим этади;

к) Жиззах вилоят статистика бошқармаси ходимларининг касаба уюшмалари ва бошқа вакиллик органларига ваколатларини амалга оширишда юридик ёрдам кўрсатади;

2) Жиззах вилоят статистика бошқармаси томонидан ишлаб чиқиладиган (қабул қилинадиган) норматив-ҳуқуқий ва бошқа ҳужжатлар лойиҳаларининг қонунчиликка мувофиқлиги устидан назоратни олиб бориш, шунингдек қўмитанинг қонун ижодкорлиги фаолиятида иштирок этиш, қонунчиликни такомиллаштириш юзасидан таклифларни тайёрлаш масалаларида унинг тузилмалари ишини мувофиқлаштириш соҳасида;

а) Жиззах вилоят статистика бошқармасининг норма ижодкорлиги фаолиятининг жорий ва истиқболли режаларини ишлаб чиқади ёки уларнинг ишлаб чиқишида, амалга оширилиши ва бажарилишини назорат қилишда иштирок этади;

б) Жиззах вилоят статистика бошқармаси ваколатига кирадиган масалалар бўйича норматив-ҳуқуқий ҳужжатлар лойиҳаларини ишлаб чиқади ёхуд ишлаб чиқишда иштирок этади;

г) экспертизадан ўтказиш ёки келишиш учун тақдим этилган норматив-ҳуқуқий ҳужжатлар лойиҳаларини мустақил ёки бошқа тузилмалар билан биргаликда ҳуқуқий экспертизадан ўтказди, уларнинг қонунчиликка, қонунчилик техникаси қоидаларига, ҳавола қилувчи нормалар қўлланилишининг асослилиги ва мақсадга мувофиқлиги, шунингдек уларда коррупцияга сабаб бўладиган омилларнинг мавжуд эмаслиги юзасидан ҳуқуқий ҳулосалар тайёрлайди;

д) норматив-ҳуқуқий ҳужжатлар лойиҳалари бўйича эътироз ва таклифлар бўлмаса, уларга виза қўяди. Бунда лойиҳаларга бош юрисконсулт томонидан Жиззах вилоят статистика бошқармасининг бошқа таркибий тузилмаларидан (ҳодимларидан) кейин виза қўйилади;

е) тизимли равишда Жиззах вилоят статистика бошқармасининг тегишли соҳа фаолиятидаги амалдаги норматив-ҳуқуқий ҳужжатларнинг уларда коррупцияга сабаб бўладиган омилларни аниқлашга қаратилган таҳлилни ўтказди;

ж) Жиззах вилоят статистика бошқармаси фаолияти соҳасида давлат бошқарувини такомиллаштириш бўйича таклифлар ишлаб чиқишда иштирок этади;

з) Жиззах вилоят статистика бошқармасига келиб тушган норматив-ҳуқуқий ҳужжатларнинг тизимлаштирилган ҳисобини белгиланган талабларга мувофиқ юритади, уларнинг сақланишини ва назорат ҳолатида бўлишини таъминлайди;

и) Жиззах вилоят статистика бошқармасининг норматив-ҳуқуқий ҳужжатлар фондига тўлдириш, шу жумладан фондда кодекслар, қонунлар, шарҳлар, ахборотномалар ва бошқа ҳуқуқий нашрлар билан бутлаш чораларини кўради, қўмита раҳбариятига ҳуқуқий нашрларга обуна бўлиш ҳақида таклифлар киритади;

3) Жиззах вилоят статистика бошқармаси ходимларининг ҳуқуқий маданияти ва ҳуқуқий саводхонлигини ошириш, уларга қабул қилинадиган норматив-ҳуқуқий ҳужжатларнинг мазмун ва аҳамиятини, шу жумладан замонавий ахборот-коммуникация технологиялари орқали етказиш соҳасида;

а) Жиззах вилоят статистика бошқармаси раҳбарияти учун қонунчилик масалалари бўйича таҳлилий материаллар тайёрлайди;

б) Жиззах вилоят статистика бошқармаси, шунингдек унинг тизимига кирадиган тузилмалар ходимларининг ҳуқуқий билимларини ошириш тадбирларини ташкил этиш тўғрисида таклифлар киритади, ушбу тадбирларни ўтказишда иштирок этади;

в) Жиззах вилоят статистика бошқармаси фаолиятига тегишли қонунчиликни тарғиб қилиш ишларини амалга оширади;

г) зудлик билан Жиззах вилоят статистика бошқармаси ахборот хизматида қўмита веб-сайтига жойлаштириш мақсадида қабул қилинган ҳуқуқий ҳужжатлар ва уларнинг мазмун ва аҳамияти тўғрисида маълумотлар киритади;

д) Жиззах вилоят статистика бошқармаси ходимларининг мурожаатлари бўйича уларга қўмига фаолиятига тегишли ҳуқуқий ҳужжатларни топишга қўмаклашади, зарур ҳолларда уларнинг қоидалари бўйича тушунтиришлар беради;

4) шартномавий-ҳуқуқий ва талабнома-даъво ишларини юритиш, Жиззах вилоят статистика бошқармасининг мулкӣ ва бошқа манфаатларини ишончли ҳимоя қилинишини таъминлаш соҳасида:

а) давлат органлари ва ташкилотлари, шунингдек фуқаролар билан низолар вужудга келганда, мустақил ёки бошқа таркибий тузилмалар билан биргаликда уларни судгача ҳал этиш чораларини кўради;

б) бошқа тузилмалар билан биргаликда Жиззах вилоят статистика бошқармаси томонидан шартномаларни тайёрлаш ва тузиш ишларида иштирок этади, уларнинг қонунчилигига мувофиқлигини текширади ҳамда шартномалар лойиҳаларига, агар эътироз ва таклифлар бўлмаса, виза қўяди. Бунда лойиҳаларга бош юрисконсулт томонидан Жиззах вилоят статистика бошқармасининг бошқа таркибий тузилмаларидан (ҳодимларидан) кейин виза қўйилади;

в) шартномаларни тузиш, бажариш, ўзгартириш ва бекор қилишнинг белгиланган тартибига риоя этилишини назорат қилади;

г) Жиззах вилоят статистика бошқармаси томонидан тузилган шартномаларни зарур даражада бажариш бўйича таклифлар киритади, шартномавий муносабатларни такомиллаштириш юзасидан таклифлар ишлаб чиқишда иштирок этади;

д) Жиззах вилоят статистика бошқармасининг манфаатларини ҳимоя қилиш бўйича талабномалар тайёрлашда ва қўмигага нисбатан билдирилган талабномаларни кўриб чиқишда иштирок этади, бошқармада талабномалар билдириш ва уларни кўриб чиқиш тартибига риоя этилишини назорат қилади;

е) тегишли тузилмалар билан биргаликда Жиззах вилоят статистика бошқармасининг дебиторлик ва кредиторлик қарзлари аҳволини ўрганади, уларнинг миқдорини камайтириш чораларини кўради;

ж) шартномавий муносабатлардан келиб чиқадиган низолар юзасидан даъво ишларини олиб боради;

з) Жиззах вилоят статистика бошқармасининг мулкӣ ва бошқа манфаатларини ҳуқуқий ҳимоя қилиш учун зарур бўлган ҳужжатларни тайёрлашда ҳамда белгиланган тартибда суд мажлисларида иштирок этади;

и) мулкни сақлаш масалалари бўйича ҳуқуқий тусдаги ҳужжатлар лойиҳаларининг қонун ҳужжатларига мувофиқлигини текширади ва уларни тайёрлашда иштирок этади;

к) бошқа таркибий тузилмалар билан биргаликда Жиззах вилоят статистика бошқармасида мулкнинг талон-торож қилиниши, камомад ва ноишлаб чиқариш харажатларининг келиб чиқиши сабаблари ва шароитларини таҳлил қилади ҳамда уларни бартараф этиш чораларини кўради, мулкнинг талон-торож қилиниши ва камомад ҳолатлари бўйича материалларни ҳуқуқни муҳофаза қилиш органларига юбориш учун расмийлаштиради;

л) моддий бойликлар ва пул маблағларини ҳисобдан чиқариш тўғрисидаги ҳужжатлар лойиҳалари, шунингдек қонун бузилишлари ва суиистеъмоллар аниқланган аудиторлик текширувлари ва хатловдан ўтказиш далолатномалари бўйича ҳуқуқий ҳулосалар беради.

Жиззах вилоят статистика бошқармасининг бош юрисконсулти қонун ҳужжатларига мувофиқ бошқа функцияларни ҳам амалга оширади.

12. Бош юрисконсултга ушбу Низомда ёки бошқа қонун ҳужжатларида назарда тутилмаган функциялар юклатилишига йўл қўйилмайди.

3-боб. Бош юрисконсултининг ҳуқуқлари, мажбуриятлари ва жавобгарлиги

13. Бош юрисконсулт қуйидаги ҳуқуқларга эга:

Жиззах вилоят статистика бошқармасига келиб тушаётган норматив-ҳуқуқий ҳужжатларни танишиш, хизматда фойдаланиш ва уларнинг тизимлаштирилган ҳисобини юритиш учун биринчи навбатда олиш;

Жиззах вилоят статистика бошқармаси, шунингдек унинг тизимига кирадиган тузилмаларнинг мансабдор шахсларидан бош юрисконсультга юкланган вазифалар ва функцияларни бажариш учун зарур бўлган ҳужжатлар ва маълумотларни олиш;

раҳбарият томонидан чакириладиган ҳукукий масалаларга тегишли йиғилишлар, кенгашлар ва мажлисларда иштирок этиш;

раҳбарият топшириғига кўра ёки тегишли тузилма раҳбарининг розилиғи билан уларнинг ходимларини норматив-ҳукукий ҳужжатлар ва бошқа ҳужжатлар лойиҳаларини тайёрлаш учун, ҳукукий ишларни амалга ошириш билан боғлиқ бошқа тадбирларга жалб қилиш;

конунчиликка зид бўлган, конунчилик техникаси талабларига жавоб бермайдиган норматив-ҳукукий ҳужжатлар ва бошқа ҳужжатлар лойиҳаларини ижрочиларига пухта ишлаш учун қайтариш, ўз эътирозларини асослаган ҳолда, аниқланган камчиликларни бартараф этиш тўғрисида ҳукукий хулосалар бериш, раҳбарият топшириғига кўра ёки ўз ташаббуси билан бошқа тузилмалар билан биргаликда ушбу лойиҳаларни пухта ишланишида иштирок этиш;

Жиззах вилоят статистика бошқармаси тизимига кирадиган тузилмаларда Бошқарма ваколатига кирадиган масалалар бўйича конун ҳужжатларига риоя қилиниши масалаларини ўрганиш;

Жиззах вилоят статистика бошқармаси, шунингдек унинг тизимига кирадиган тузилмаларнинг конун ҳужжатлари бажарилишини таъминламаётган ёхуд уларни бузаётган раҳбарлари ва ходимларини жавобгарликка тортиш ҳақида раҳбариятга таклифлар киритиш;

Жиззах вилоят статистика бошқармасида, шунингдек унинг тизимига кирадиган тузилмаларда ёки Бошқарма томонидан ўтказиладиган текширишлар, тафтишлар ва хатловларда, шунингдек уларнинг якунлари бўйича ҳужжатларни кўриб чиқишда иштирок этиш ҳамда аниқланган ҳукукбузарликлар юзасидан ҳукукий хулосалар бериш;

талабнома-даво тартибда Жиззах вилоят статистика бошқармаси фойдасига ҳал қилинган низолар юзасидан ундирилган сумманинг 5 фоизи, бироқ энг кам ойлик иш ҳақининг 50 баробардан кўп бўлмаган миқдорда мукофот олиш.

Бош юрисконсульт конун ҳужжатларига мувофиқ бошқа ҳукукларга ҳам эга бўлиши мумкин.

14. Бош юрисконсульт:

унга ушбу Низом ва бошқа конун ҳужжатлари билан юкланган функцияларни зарур даражада ва самарали бажариши;

Жиззах вилоят статистика бошқармасида, шунингдек унинг тизимига кирадиган тузилмаларда конун бузилиши ҳолатлари аниқланганлиги тўғрисида зудлик билан тўғридан-тўғри юқори турувчи органга, Адлия вазирлиғига ва бошқа ҳукукни муҳофаза қилувчи органларга хабар бериши;

белгиланган тартибда ва муддатларда малака ошириши ва аттестациядан ўтиши шарт.

Бош юрисконсульт конун ҳужжатларига мувофиқ бошқа мажбуриятларга ҳам эга бўлиши мумкин.

4-боб. Бош юрисконсульт фаолиятини ташкил этиш

16. Бош юрисконсульт фаолияти Ўзбекистон Республикасининг "Давлат статистикаси тўғрисида"ги қонуни, Ўзбекистон Республикаси Президентининг "Юридик хизмат фаолиятини тубдан такомиллаштириш чора-тадбирлари тўғрисида" 2017 йил 19 январдаги ПҚ-2733-сон қарори ва Ўзбекистон Республикаси Вазирлар Маҳкамасининг 2017 йил 1 майдаги 250-сон қарори, ушбу Низом, Давлат статистика кўмитаси буйруклари ва қарорлари, шунингдек Давлат статистика ишлари дастури, Давлат статистика ишларини ишлаб чиқариш дастури, Давлат статистика кўмитасининг иш режалари, бўлимнинг иш режаси, бўлим ходимларининг лавозим йўриқномалари асосида ташкил этилади.

17. Бош юрисконсультнинг лавозим йўриқномалари Жиззах вилоят статистика бошқармаси Бошлиғи томонидан тасдиқланади.

18. Бош юрисконсульт Жиззах вилоят статистика бошқармаси Бошлиғи томонидан лавозимга қонун ҳужжатларида белгиланган тартибда тайинланади ва озод қилинади.

19. Бош юрисконсулт қуйидаги ҳуқуқларга эга:

Бош юрисконсулт ишини ташкил этишни, усули ва услубини яхшилаш, ҳисобот, ижро ва меҳнат интизомини мустаҳкамлаш бўйича чора-тадбирлар ишлаб чиқиш ва ижро этилишини ташкил этиш;

конунчиликка мувофиқлиги юзасидан экспертизадан ўтказилган ҳужжатлар лойиҳаларига эътироз ва таклифлар бўлмаса, белгиланган тартибда виза қўйиш, берилган ҳулосаларни имзолаш;

конунчиликка мувофиқлиги юзасидан экспертизадан ўтказилган ҳужжатлар лойиҳаларига бош юрисконсулт томонидан эътироз ва таклифлар берилса, уларни пухта ишлаш учун ижрочиларга қайтариш;

Бош юрисконсулт ваколатига кирадиган масалалар бўйича тайёрланган ҳужжатларни имзолаш (ёки виза қўйиш ёки ҳулоса бериш);

Жиззах вилоят статистика бошқармаси раҳбарияти томонидан ўтказиладиган йиғилишларда катнашиш;

Бош юрисконсулт ваколатига кирадиган масалаларни муҳокама қилишда ваколатли идоралар, корхона ва ташкилотларда Жиззах вилоят статистика бошқармаси номидан катнашиш.

20. Ушбу Низом талабларини бузганликда айбдор шахслар белгиланган тартибда жавобгар бўлади.